



Na osnovu člana 200. Zakona o upravnom postupku ("Službene novine Federacije BiH", br. 2/98 i 48/99) i člana 17 stav 1. Zakona o igrama na sreću ("Službene novine Federacije BiH", br. 48/15 i 60/15), a u vezi s članom 7. stav 2. Pravilnika o sadržaju pravila, uslovima i načinu priređivanja nagradnih igara ("Službene novine Federacije BiH", br. 30/16, 63/19 i 92/20) i prema Rješenju o odobrenju broj: UP 05-12-1-630/21 od 17.06.2021.g. izdatog od strane Federalnog ministarstva finansija BiH/Federalnog ministarstva financija BiH, Bosna Bank International d.d. Sarajevo objavljuje

# PRAVILA NAGRADNE IGRE

## "BBI BANKA I MASTERCARD NAGRAĐUJU 2021"

### 1. ORGANIZATOR

Nagradnu igru BBI i Mastercard-a "BBI BANKA I MASTERCARD NAGRAĐUJU 2021" koju organizira i provodi "Bosna Bank International" d.d. Sarajevo, skraćeni naziv BBI d.d. Sarajevo, ID broj: 4200375980006, PDV broj: 200375980006, Trg djece Sarajeva bb, Sarajevo, Bosna i Hercegovina (u daljem tekstu: „Organizator“).

### 2. TRAJANJE I SVRHA NAGRADNE IGRE

Nagradna igra iz tačke 1. ovih Pravila (u daljem tekstu: „Nagradna igra“) realizovat će se u periodu od **01.07. do 30.09.2021. g.**, uključujući i **30.09.2021. g.** do 24:00 sata. Svrha Nagradne igre je promocija plaćanja putem Mastercard® kartica BBI banke, kao bezgotovinskog sredstva plaćanja i nagrađivanje povjerenja korisnika.

### 3. NAGRADNI FOND

Fond za troškove promocije i organizacije obezbjeđuje **Bosna Bank International d.d. Sarajevo**.  
Fond za nagrade i troškove dozvole za nagradnu igru obezbjeđuje kompanija **Mastercard**.

### 4. UVJETI ZA SUDJELOVANJE U NAGRADNOJ IGRI

U Nagradnoj igri mogu učestvovati sve osobe imaoći Mastercard® debitnih kartica Organizatora (Bosna Bank International d.d. Sarajevo) i/ili osobe koje u periodu trajanja Nagradne igre postanu vlasnici neke od Mastercard® debitnih kartica koje će im izdati BBI d.d., sa prebivalištem na području Bosne i Hercegovine ili u inozemstvu, a koji mogu svoj identitet dokazati validnim dokumentom kao što je pasoš i/ili lična karta izdata u zemlji boravka. Identifikacioni dokument se Organizatoru dostavlja samo u slučaju dobijanja određene nagrade. Osobe zaposlene kod Organizatora (BBI d.d.) ili u kompaniji Mastercard® i njihovih najbliži članovi porodice (supružnici, djeca, roditelji, braća i sestre) nemaju pravo učešća u ovoj Nagradnoj igri. Korisnici Mastercard® kartica izdatih od BBI d.d. koji su klasificirani po CRK izvještaju u „C“ kategoriju i više zbog dospeljeh, a neizmirenih obaveza prema BBI d.d. nemaju pravo učešća u Nagradnoj igri. Ukoliko bilo koju od ponuđenih nagrada dobije maloljetna ili osoba ograničenih sposobnosti, takva osoba nagradu može prihvatiti samo uz odobrenje roditelja ili zakonskog staratelja. Ukoliko dobitnik bilo koje nagrade ne bude u mogućnosti da istu preuzme može ovladati bilo koju osobu da istu preuzme, uz uredno ovjerenu izjavu/punomoć kod nadležnog organa (Općina, Notar). Rok za preuzimanje nagrada je 30 (slovima: trideset) dana od dana objave imena dobitnika nagrade na zvaničnoj web stranici Organizatora (BBI) [www.bbi.ba](http://www.bbi.ba). U slučaju da dobitnik svoju nagradu ne preuzme u navedenom roku, Organizator će nagradu pokloniti nekoj od partnerskih humanitarnih organizacija u Bosni i Hercegovini.

### 5. NAČIN UČESTVOVANJA I TOK NAGRADNE IGRE

Pravo da učestvuju u Nagradnoj igri ostvaruju svi korisnici debitnih Mastercard® kartica izdatih od strane Organizatora, koji u toku trajanja Nagradne igre u toku jednog mjeseca (od 01. do 30/31. u mjesecu) izvrše transakcija (plate BBI Mastercard® karticom) u minimalnom iznosu od 30,00 KM (slovima: trideset i 00/100 KM) po transakciji, na prodajnim mjestima u BiH i/ili inozemstvu, osim korisnika Mastercard® kartica izdatih od BBI d.d. koji su klasificirani po CRK izvještaju u „C“ kategoriju i više zbog dospeljeh, a neizmirenih obaveza prema BBI d.d. Zbir transakcija u ukupnom iznosu od minimalno 150,00 KM (slovima: stotinupedit i 00/100 KM), u periodu od jednog mjeseca (30/31 dan/dana), omogućava učešće u Nagradnoj igri.

Potrošnja ostvarena dodatnim debitnim Mastercard® karticama pribraja se potrošnji osnovne kartice - glavnog korisnika BBI Mastercard® kartice, te i na taj način glavni korisnik ima veću mogućnost dobijanja nagrade/nagrada.

Izvlačenje **mjesečnih nagrada** bit će upriličeno svakog drugog četvrtka tekućeg mjeseca za prethodni mjesec.

Učesnici Nagradne igre mogu dobiti samo 1 (slovima: jednu) nagradu u toku jednog mjeseca. Dobitnik/ca koji/koja je izvučen/a ne može biti izvučen/a dva (2) i više puta u jednom mjesecu. Ako se dogodi takav slučaj izvlačenje će se nastaviti sve dok svi dobitnici jedne od mjesečnih nagrada ne budu različiti.

Novi mjesec daje mogućnost ponovnog sudjelovanja u Nagradnoj igri.

Izvlačenje **glavnih nagrada** bit će upriličeno **14.10.2021. godine**.

Učesnici Nagradne igre mogu dobiti samo 1 (slovima: jednu) GLAVNU nagradu. Ukoliko se dogodi da je učesnik/ca „izvučen/a“ za dvije (2) ili sve tri (3) GLAVNE nagrade, izvlačenje će se nastaviti sve dok svi dobitnici jedne od tri (3) GLAVNE nagrade ne budu različiti.

Svi klijenti, ako su ostvarili uslove za sudjelovanje u Nagradnoj igri koji budu izvučeni tokom jednog mjeseca kao dobitnici imaju mogućnost da budu dobitnici i u nekom drugom mjesecu, kao i da budu dobitnici neke od glavnih nagrada.

### 6. NAGRADE I OKVIRNA MALOPRODAJNA VRIJEDNOST:

Ukupna vrijednost nagrada za ovu Nagradnu igru iznosi:

**44.540,10 (slovima: četrdesetčetiriiljadapetstotinačetdeset i 10/100) KM** sa uračunatim PDV-om

MJESEČNE NAGRADE						
R.Br.	Opis nagrade	Jedinična vrijednost nagrade (KM) sa PDV-om	Broj nagrada	Broj mjeseci	Ukupan broj nagrada	Ukupna vrijednost (KM) sa PDV-om
1.	<b>ELEKTRIČNI TROTINET:</b> Micro Merlin X4	1.181,70	1	3	3	3.545,10
2.	<b>MOBITEL:</b> Samsung A51	585,00	2	3	6	3.510,00
3.	<b>POKLON BON:</b> BBI Centar	100,00	10	3	30	3.000,00

### GLAVNE NAGRADE

R.Br.	Opis nagrade	Jedinična vrijednost nagrade (KM) sa PDV-om	Broj nagrada	Broj mjeseci	Ukupan broj nagrada	Ukupna vrijednost (KM) sa PDV-om
1.	<b>PUTNIČKO VOZILO:</b> Hyundai i10	25.990,00	1	1	1	25.990,00
2.	<b>VAUČER ZA OPREMANJE STANA</b> kućanskim aparatima i bijelom tehnikom	1.500,00	3	1	3	4.500,00
3.	<b>LAPTOP:</b> HP Notebook 15-DW 1083	799,00	5	1	5	3.995,00
<b>UKUPNO</b>					<b>48</b>	<b>44.540,10</b>

Priredivač ne snosi troškove preuzimanja nagrada, kao niti bilo kakve troškove povezane s prijenosom prava vlasništva na nagradi. Broj nagrada je ograničen i ni u kojem slučaju neće biti dodijeljeno više nagrada nego što je predviđeno ovim Pravilima. **Nagrade nisu zamjenjive za novac.** Dobitnici nemaju pravo zahtijevati drugačije nagrade ili nagrade u većim iznosima, od ovim pravilima utvrđenih iznosa. Organizator će nagrade dobitnicima predati uz primopredajni zapisnik.

### 7. IZVLAČENJE NAGRADA

Izvlačenje dobitnika/ca provest će se slučajnim odabirom putem računara iz liste Učesnika koji su stekli pravo sudjelovanja u Nagradnoj igri i to uz prisustvo tročlane (3 člana) Komisije, i zapisničara koji će biti imenovani na mjesečnom nivou za mjesečne nagrade, odlukom Organizatora.

Izvlačenje Glavnih nagrada bit će uz prisustvo tročlane (3 člana) Komisije i zapisničara koji će biti imenovana odlukom Organizatora.

Tokom izvlačenja i mjesečnih i glavnih nagrada zapisničar će voditi zapisnik koji će sadržavati imena i prezimena članova Komisije za izvlačenje nagrada, mjesto i vrijeme izvlačenja, broj dobitne Mastercard® kartice, kao i vrijednost nagrade. Zapisnik potpisuju svi članovi Komisije i zapisničar.

### 8. IZVJEŠTAJ O DOBITNICIMA I ROK ZA PREUZIMANJE NAGRADA

Nagradna igra se zatvara 30.09.2021. godine u 24:00 sata.

Organizator je obavezan da imena dobitnika nagrada, ukupno 39 (slovima: tridesetdevet) mjesečnih nagrada i 9 (slovima: devet) glavnih nagrada objavi na službenoj web-stranici [www.bbi.ba](http://www.bbi.ba) najkasnije u roku od 36 (tridesetšest) sati od termina izvlačenja dobitnika.

Dodjela osvojenih nagrada vršit će se:

- Primarno u prostorijama Bosna Bank International d.d. Sarajevo, Trg djece Sarajeva bb, 71000 Sarajevo.

ili

- Na osnovu odluke Organizatora dodjela se može izvršiti i u nekoj od podružnica, filijala ili poslovnica Bosna Bank International d.d. Sarajevo u Bosni i Hercegovini ili na nekoj drugoj lokaciji u BiH.

Dobitnici su dužni prilikom preuzimanja nagrada potpisati primopredajni obrazac (koji priprema Organizator).

Nagrade se trebaju preuzeti u roku od 30 (slovima: trideset) dana od dana objavljivanja imena dobitnika nagrada. Dobitnici u ovoj Nagradnoj igri prihvataju uslov da njihovo ime i prezime kao i adresa mogu biti javno objavljeni i da njihov lik Organizator Nagradne igre može koristiti u audio, foto, video i drugim materijalima. Prihvatanje nagrade od strane dobitnika daje dozvolu Organizatoru i njegovim agencijama da mogu koristiti ime, prezime i sliku dobitnika nagrade u reklamne ili komercijalne svrhe bez dalje naknade.

Učesnik se odriče prava da traži naknadu bilo kakvog troška dobivanja ili preuzimanja nagrade ili putovanja radi preuzimanja nagrade.

### 9. PROVJERA PRAVA NA UČEŠĆE

Nagrada će biti uručena samo ukoliko je dobitnik ostvario pravo da učestvuje u Nagradnoj igri i ukoliko u potpunosti prihvata Pravila nagradne igre Organizatora.

### 10. POREZI, ZAMIJENE, PRENOSI I ODGOVORNOST U VEZI S NAGRADOM

Učesnici se slažu da Organizator i pridružena društva, njihova odjeljenja, reklamne, promotivne, distributerske i druge agencije, te njima pridružena društva i svi zaposleni u njima, neće biti odgovorni u vezi s prijemom nagrade, te funkcioniranjem ili upotrebom ovako dobijene nagrade. Učesnici prihvataju da gore navedeni subjekti nisu niti će na bilo koji način biti odgovorni za bilo kakve obaveze, garancije ili jamstva koji bi, bilo po zakonu ili po prirodi stvari, mogli nastati u vezi s bilo kojom nagradom, što uključuje, ali se ne ograničava na kvalitet, mehanička svojstva ili prikladnost nagrade.

Organizator je odgovoran za poreze, naknade ili dadžbine u vezi s nagradom, osim poreza na dohodak dobitnika nagradnih igara u skladu sa važećim zakonskim propisima.

Nagrade se ne mogu prenijeti niti ustupiti drugima prije nego što se izvrši njihovo uručenje dobitniku.

### 11. OTKAZIVANJE

Organizator ima pravo da jednostrano otkáže Nagradnu igru u bilo kojoj fazi, uz obavještenje ukoliko bi došlo do materijalne povrede ili zloupotrebe Pravila ili događaja koji imaju karakter više sile. Ukoliko bi nastala neka od navedenih okolnosti, Nagradna igra će biti odmah obustavljena jednostranom odlukom Organizatora, neovisno o potrebi za njenim eventualnim objavljivanjem. U tom slučaju neće biti nadoknađeni troškovi, direktna ili indirektna šteta učesnicima u Nagradnoj igri, niti će se Nagradna igra održati.

### 12. OBAVJEŠTAVANJE

Pravila Nagradne igre bit će objavljena nakon odobrenja Ministarstva finansija BiH za sprovođenje Nagradne igre na web stranici Organizatora [www.bbi.ba](http://www.bbi.ba) kao i u jednim dnevnim novinama.

Dobitnici/ce nagrada bit će obavješteni pismenim putem na ličnu e-mail adresu ili telefonski od strane uposlenika Organizatora, a na osnovu instrukcije i pismenog dokumenta o imenima dobitnika nagrade/nagrada koji će biti potpisan i protokolisan od strane članova Komisija.

### 13. ZVANIČNA PRAVILA NAGRADNE IGRE

Dodatne informacije u vezi sa ovim Pravilima mogu se dobiti pozivom na besplatni info telefon broj 080 020 020 od ponedjeljka do petka od 8:00 do 16:30 sati. U slučaju bilo kakvog spora nadležan je Općinski sud u Sarajevu.

Za Organizatora:

Bosna Bank International d.d. Sarajevo